

دارالفنون

حقوق فائز و لسترا محمد علی

مفروق ، اقتصادیات

ایکی آیدہ بر نثر اولنور

مندرجات

قسم مفروقی :

یکی نور کیا حقوق مدنیہ سی تدقیقانه مدخل ، صاوزه رمال (مترجم لری) دانش سعید ، صدیق سامی
حقوقک اجرا سنده عدالت و اخلاقی وظائفک مؤیدہ قانونیہ سی عبدالحق کمال
کتابیات موسیو قرووات
استاد محترم محمد جلال بکک رسمی ترجمہ حالی

استانبول — یکی مطبعہ

۱۹۲۷

زمانده قواعد حقوقیه نك خصوصیتی حقنده موسیو آواره زك قیمتی فکرینی مدافعه
ایتمشدر . مؤلفك حقوق طبیعییه نه قدر آراهیت وبروب آنجق حقوق موضوعیه
حصر نفس ابتدکی نظر دقتی جلب ایده جکدر . بالخاصه حاکمیت و حکمت غیر
طبیعیه فکرینی رد ایدیور . حربك حقوق احتیاطیه قسمی اك ای بر صورتده ارائه
ایدیلنر میاننده در . فقط انکلیز مستملکه لری ، هوئی دائره نفوذ ، غنائم بحریه بخلری
غایت مختصر کوششدر . بو ، بویه برارک بک بوبوک برقیقی حائر اولمدیغنی سویه ملک
دکدر .

G. Gidel. L'arrêt No. 7 de la Cour Permanente de Justice Internationale
Paris 1927

ژ. ژیدل ؛ بین الملل دیوان عدالتك ۷ نومرولی اعلامی . پارس ۱۹۲۷

لهستانك هوت سیله زیسنده (Haute Silésie) بعضی آلمان منافعه دائر اولان ۲۵
حزیران ۱۹۲۶ تاریخلی اعلامی پارس حقوق فاکولته سی مدرس لرندن موسیو ژیدل
شرح ایدیور . بوبوک براهیتی حائر اولان بواعلام سایه سنده صلح معاهده لرنده محرر
« تصفیه » کله سی کسب قطعیتمش ؛ وعینی زمانده ائتلافنامه لرك محتویاتی تفسیر خصو -
صنده عمومی بر اصول قرارلاشدرلشدر . صلح معاهده لری منافع خصوصیه نك حاکمیت
پرنسپی اساسنی قبول ایدیکلری حالده ؛ تصفیه ایدن حکومه ته تحمیل ولزومنده مختلط
حکم محکمه سی طرفندن تقدیر ایدیلن قطعی وعادل بر تضمینات ویره رك بعضی خصوصاتده
بواموالك تصفیه لرینی موافق بولمشدر . فقط معین بر تدبیر نه زمان بر تصفیه در و بوفکر
حقیقه نه بی احتوا ایدر ؛ تصفیه ایله اولدیغنی کبی بر حکومت داخلی قانونلری واسطه سیله ده
عینی نتیجه واصل اولق آرزوسنده بولونابیلر . وبو صورتله تصفیه ایدیلن اموال ایچون
دوشونولش محافظه تدبیر لرینك تطبیقنی بر طرف ایدر . شو حالده بو ، غیر قابل قبول بر ادعا -
در که دیوان عدالت تصفیه نك حقوق معناسنی ویره رك اوندن مادی وقطعی بر ادله وجوده
کتیروب بو طرز حرکتی رد ایتمشدر . دیوان عدالت لهستان ته زینی قبول ایتیمه یوب
تصفیه بی حقوق دوله مخالف بر حرکت اوله رق توصیف ایتمشدر . بو حرکت ، الغایی
مساعده ایدن معتبر بر حقوق دول متذنه توفیقاً یاپیش واکر فاعل بومتك تمام آحدودی
داخلنده قالمشه آنجق بو تقدیرده قانونی اولابیلر . لهستان حکومتی کندی استملاک

قانونیه تصفیہ نك حمايه تدبیر لرینه مغایر حر کتده بولونمشددر . استملاك و تصفیہ بیتده مشابہت یوقدر .

ائتلافنامه لر محتویاتی تفسیر ایدہ بيلمك برائتلافك كندی كندینه کافی كلدیكنی و یا خود دیگر برائتلاف و صلح معاهده سنه ضمناً و یا صراحةً حواله اولدیغنی بيلمكه متوقفدر . بوراده موضوع بحث جنوره ائتلافنامه سنك اوچنجی فصلی هر نه قدر « استملاك » عنوانی طاشیور و محتویاتی ده لهستانك بویوك صنایع و چیقتلكلری استملاك شرائطی جامع بولو- نیورسده ؛ دیوان عدالت ، « تصفیہ » كله سنك آلتنجی ماده نك ايكنجی قسمنده بولونماسه و عبارده نك متنه نظراً ، صلح معاهده سنده وضع ایدیلن تصفیہ اصوله مراجعت ایدیور . موسیو ژیده لك عالمه تفسیری دیوان عدالتك قرارینه تماماً مساعددر . دیوانك قطعی اوله رق وضع ایتدیكى قاعده لر فی مابعد حقوقی التباسلرك اوكنی آلمغه یاریه جق و قوه تشریعیه نك دائره صلاحیتی كچرك بعض ائتلافنامه لری كندی لهنه چویر مسنه مانع اولاجقدر .

Mario te. Les limites actuelles de la compétence de la S. D. N. Paris 1926

ماریوت : جمعیت اقوامك صلاحیتك حال حاضرده کی حدودلری : پارس ۱۹۲۶

مؤلف ، عهدنامه نك اون بشنجی ماده سنك یدی و سكرتربی فقره لرینی تدقیق و اوراده حاکمیت پرنسپینك ادامه ایدلدیكنی كورمكده كوچلك چكمه یهرك بونك حقوق دوله فائده لی و یا مضر اولدیغنی آرامق فرصتی بولیور . موسیو ماریوت ، دوکی ، دولاسکی الح كبی حاکمیت پرنسپینك مخالفی اولوب شهرت بولان مؤلفرك نظریه لرینی قبول و دولتلك یالکز كندی صلاحیتلرینه ترك ایدلمش نقاطك موجودیتی ، بین الملل بر اصوله تابع بولونولمادیغنی تقدیرده عهدنامه ده بوشلقلر اولاجغنی قید ایدیور .

آلاند آطه لری مسئله سی ، فاس و تونسده تابعیت فرمائی ، روس و قتلاندا اختلافی ، ماروواتیس امتیازی كبی جمعیت اقوام و یا بین الملل دیوان عدالتك بیان رأی ایتدیكلری مسائل مؤلف ایضاح ایدیور . شو حالده اون بشنجی ماده نك تفسیری بوماده نك درجه شمولی قطعی بر صورتده تعیین ایتكه كافیدر . نتیجه سز قالان ژاپون تعدیلاتی ، بوتون دنیا به قابل تطبیق جنوره پروتوقولی ، سیاسی و حقوقی اختلافات آره سنده کی فرق ادامه